

LA QUOTIDIANA

Editura: Samedia Press AG
 Editor: Hanspeter Labrumment
 CEO: Thomas Kundert

Editura Samedia
 Via Sommerau 32, 7007 Cuiraz;
 tel. 081 255 50 50,
 mail: verlag@samedia.ch

Redacziun responsabla:
 Fundaziun Medias Rumantschas (FMR);
 Schefredactur FMR: David Truttmann (dat)

Substitut schefredactur FMR:
 Hans Huonder (rh)

Redacziun FMR:
 Augustin Boeli (abc), Andreas Cadonau (ac),
 Flurin Andry (fa, correctorat), Michael Steiner (mst),
 Claudia Cadruvi (vi) Gabriela Riedi (ri), Martin Gabriel (mg),
 Martin Camichel (cam), Sandro Buchli (sb),
 Stefanie Elsa (sta), Annetta Janka-Zini (aj, correctorat),
 Olivia Portmann-Mosca (opm), Toni Vinzens (vit)

Adressas redacziunalas:
 FMR Fundaziun Medias Rumantschas,
 Via da Masans 2, 7000 Cuiraz
 mail: redacziun@fmr.ch
 tel. 081 544 89 11

www.fmr.ch

Servetsch d'abunents e da distribuziun:
 Via Sommerau 32, 7007 Cuiraz,
 tel. 0844 226 226,
 mail: abo@samedia.ch

Inserats:
 Samedia Promotion,
 Städtlistrasse 12, 7130 Glion
 tel. 081 920 07 17, fax 081 920 07 18,
 mail: ilanz.inserate@samedia.ch

La Quotidiana cumpara tschintg giadas ad omna.

Ediziun derasada, Südostschweiz complet:
 62 586 exemplars (WEMF, 2023),
 da quai ediziuns vendidas 58 113 exemplars
 Derasaziun: 131 000 lecturas e lecturs
 (MACH-Basic 2022-2)

La Samedia Press AG è possessura dals titels
 «Fögl Ladin», «Gasetta Romantscha», «Casa
 Paterna/La Pint» e «La Vusch da Surmeir».

Pretschs d'abunaments sut:
 www.suedostschweiz.ch/aboservice

Communicaziun da participaziun considerabla
 sin fundament da art. 322 CP:

nagin

© Samedia

FORUM



Il referent Giuseppe Gherardi durant ch'el raquenta. Seniester Gian Bindi che ha accompagnau el dal-la Lumnezia. FOTO MAD

La zoppina da Cassons 1955

Gievgia sera, ils 24 d'avrel 2025, ha in'occurrenza giu liug a Fidaz el Fidazerhof, il Café rumantsch. Igl actuar e vicepresident dalla Cuminonza Romontscha Flem, *Giosch Garmann*, haveva dumandau il Lumnezian *Giusep Gherardi* sch'el referess sur dil tema «la zoppina da Cassons». Avon 70 onns era quella greva malsogna da vacas rutta ora si Cassons, ina dallas alps da Flem.

Tonta glieud sco aunc mai

Quella stad fuvà *Giusep Gherardi* paster sin quell'alp. *Erika Glaus-Casry*, l'assessura dall'uniun ed organisatura d'occurrências, ha beneventau simpaticamein ed el ils presents. Erika haveva era fatg buna reclama e la glieud ei vegnida – tonta sco aunc mai – 30 persunas. Tgisa sch'ei dat ina interessanta sera? *Gian Bindi*, il miedi lumnezian pensiunau, haveva fatg taxi pil referent. El ha drizzau in pèr plaids alla raspada e presentau il referent.

Giusep Gherardi ha referiu cun plaids comuentonts, e quei cun vusch ferma e bein capeivla. Ses plaids han tschaffau igl auditori. Demai ch'el ha difficultads culla vesida ha el teniu gl'entir referat ordadora. Cun tensiun e

concentraziun han ils presents tedlau. El ha raquintau co ils pasturs e purs han stuiu cargar tuttas vacas en camiuns che han transportau ellas giu Turtig en ina mezza. Ils schetgs ein restai sili all'p. Ils animals che han mussau symptoms dalla malsogna han ils pasturs stuiu mazzar e satrar. Quei era stau ina stermentusa lavur per la fumeiglia d'alp. Ina caussa ferg tresta.

Durant il referat han ils presents era saviu separticipar cun damondas e contribuziuns. Ina feglia d'in pur, *Ruth Garmann-Casrischer*, ha mussau las notizias che siu bab haveva giu fatg sur da siu muvel il temps dalla zoppina. Era ils purs presents e las puras han raquintau da quei che lur geniturs han relatau ad els.

Suenter il referat han ils presents giu la caschun da brattar ils meins ed emprender d'enconuscher novas vischinas e novs vischins da Flem. Era il promotur dil lungatg romontsch dalla Ligia Romontscha, *Uolf Candrian*, ei staus presents a quei Café romontsch, in fatg che ha legrau nus. Romontschas e Romontschs ston star si e defender il lungatg, sch'els vulan che quel vivi, e sch'els vulan ch'ei vegnien buc emblidai.

Giusep Librat Bindi

INTER-NAZIUNAL

PUTIN ANNUNZIA PAUSA DA CUMBAT

Il president russ *Wladimir Putin* ha annunzià ina interrupziun da la guerra cunter l'Ucraina durant ils dis en memoria a la victoria en la Segunda Guerra mundiala. Las armas duain tashair a partir da l'alva dals 8 da matg fin sin il far di dals 11 da matg 2025. Quai ha communitgà glindesdi il Kremlin sin sia pagina d'internet. (sda/fmr)

GROND BLACKOUT EN SPAGNA E PORTUGAL

«En Spagna e Portugal datti ina mancanza da current electric pli gronda», han rapportà glindesdi reporters e reportas da la Deutsche Presseagentur. «Plans per restabilir il provediment electric» hajan ins instradà, ha communitgà ier il gestiunari da la rait d'electricità spagnola Red Eléctrica ed agiunt ch'ins tscher-tga las raschuns per il «blackout». Quest blackout n'ha gi naginas consequenzas per la Svizra. Ma tenor las infurmaziuns da Swissgrid han ins mesirà midadas en la rait europeica. (sda/fmr)

L'ELECZIUN DAL NOV PAPA CUMENZA ILS 7 DA MATG

L'elecziun dal successur dal papa Francestg, la quala vegn spe-tgada cun tensiun, cumenza ils 7 da matg. «Quai han decis ils cardinals che s'en radunads a Roma», ha communitgà il Vatican glindesdi. Per la conclave sa radunan ils cardinals che han il dretg d'eleger davos ils mirs dal Vatican, en la Chapella six-tina. (sda/fmr)

GIURA: UM FERESCHA DUAS DUNNAS CUN CUNTÈ

In um ha venderdi attatg en in'abitaziun a Pruntrut JU duas dun-nas. Ina è crudada per terra. Las victimas en tuttas duas vegnidas blessadas, ma n'eran betg en privel da vita. La procura publica ha instradà ina procedura penala causa omicidi empruvà. (sda/fmr)